

宋

會

要

宋會要

軍賞

真宗景德元年閏九月四日詔河北諸州軍曰國家重慎戎事每誠邊臣常令固守封疆不得侵越境土蓋欲安民息戰豈思黷武窮兵而契丹唯務貪殘不遵理道有志但同寇賊無名輒犯邊陲想於人神皆所憤怒今已遣上將大益精兵命諸路齊驅尅期盡戮其間竊慮有漏其戎寇劫掠居民其逐處如有強壯及諸色人能為首領糾集願殺蕃賊者並仰所在官司策應照管覓便掩殺如活擒到契丹每人支錢十千斬其首級每人支錢五千如生擒十人已上梟十人已上首級計數賜

與外仰所在給公據當議更加酬獎其得獲之物並給
本人所在官司更不得輒行訊問如得近上首級領職員
者除行恩賜外仰官司以聞當議量所擒殺到蕃戎職
位優與錄用無致疑慮即不得緣此詔旨將不是契丹
及北界賊人以邊旌賞輒便殺害並仰官司子細驗認
犯者並仰依法斷之若官司不切明辨致有枉害平民
因事彰露應干繫官吏重寘之法 十一月環慶等路
總管張斌等言沿邊熟戶蕃部有活捉得賊人割到耳
鼻并奪得馬及收陣之後赴本屬呈納官中倒納下却
量支價錢其捉到人并斫到耳鼻亦倒支賞賜其衣甲
納官乞自今如蕃部與蕃賊鬪敵得馬却給與活捉到

人割到耳鼻亦別定賞給所有奪到衣甲器械即納官
據色件多少支茶絲從之

三年八月二十七日詔自

今公邊斬獲蕃寇首級須問得寔當於殺戮者許依前
詔給賞如其非禮即以軍法論先是真宗謂知樞密院
王欽若等曰果有人言西路公邊州軍有能梟取為惡
蕃族首級者賞賜等級素有條約然恐因此害及平人
思之逐處雖有次第部轄之人豈容枉濫然言者既多
亦宜過慎可遍指揮公邊諸處故有是詔 四年七月
十二日詔曹利用等將士立功者不須給帖付之第據
功狀遷補內殊異者以名聞先是雷有終平西川給立
功人數僅七千帝以行賞既廣即失於懲勸故申條約

仁宗康定元年十二月四日中書樞密院言請令陝府西都總管司今後應與賊兵鬪戰有乞覓首級以冒恩賞者當行軍法從之二年正月知慶州范仲淹請給樞密院空頭宣及宣徽院頭子各百道以備賞戰功從之八月廊延路總管司言近詔逐路總管司自受降下行軍賞罰敕命後如有捉殺西賊立功或所到人頭耳鼻及有傷中并入賊界打奪人口燒蕩族帳但係得功者並仰析以中陝西都總管司緣本路至都總管司急遞亦往還踰旬乞依詔命外其傷中人數只就本司旋定輕重內禁軍人員兵士依近降例支給蕃漢弓箭手即依舊例更不申都總管所貴傷中之人早得支

賜詔陝府西都總管司詳所奏指揮

二十二日詔河

東元昊入寇麟府所過城寨有能出奇設伏掩擊者量功優獎之軍馬或致傷折亦勿加罪 慶歷三年二月樞密院學士楊偕言竊見新定行軍約束貪爭財物資畜而不赴殺賊者斬又合戰而爭它人所獲首級者斬是知臨戰之際恐其錯亂行伍故爭財物與爭首級同然又有斬首受賞之條使其衆必爭之古者雖有斬首幾千級蓋是槩舉斬獲之數非賞所獲首級以誘士卒之亂也自劉平石元孫之敗多因爭首級之故請自今殺賊之後計所獲首級以本隊論賞從之 八年正月降空名告敕宣頭予三百道下河北宣撫司以備賞戰

功 神宗熙寧元年正月詔環慶經略司自來豪宦之
之民及官員子弟門客舉人等依條兵官倖此違事託
名効用欲求恩賞令陝西沿邊諸路每有戰獲並須體
量寔狀結罪保明以聞如有諸色人潛行賄賂於兵官
戰士處收賣首級虜獲或稱陣陣得力之類妄僥求恩
賞者並須覺察聞奏乞行重斷亦許諸色人陳告妄冒
之狀如得寔其告事人當優加酬賞 二月十二日準
臣韓琦言訪得延州東路都巡檢燕達等敗賊於懷寧
其蕃官及首領等例各以親所到首級論功皆不知官
員將校與蕃官首領並統計手下人殺獲與輸折人數
較計賞罰所是人員兵士殺到首級惟得支賜其轉資

者只談說臨陣對賊先銳馳入陷陣突衆為奇功及生擒賊人所動賊寨之類此賞即不載主將親見陣前効命得力及全隊入賊因而得勝各與轉資明文望丹申明增立賞格下逐路經略司庶得兵官將校與蕃官首領各知只以率衆破賊手下人都得首級計功長行兵士等亦以敢戰効命陣前得力全隊勝賊者各得轉資不爭首級動取勝捷從之一使臣人員兵士陣首用命出於衆人主將親見者具功狀姓名聞奏當議優與轉資一全隊率先用命入賊主將親見者具功狀聞奏全隊人員兵士竝與轉資若因而破賊者優與轉資一臨陣對賊矢石未交先鋒馳入陷陣突衆賊徒因而破賊

者為奇功或寇賊堅銳城池險固山林阻隘道路遙遠
又款兵不結若此之類既勝勝寇敵難易相遠竝不可
以常格酬敘委主將臨時錄奏不次遷轉二年二月
十六日詔今後陝西諸路公邊兵校如有因賊鬪敵斫
到人頭合該轉補者竝可於奏到三日內出給宣頭
三年十月二十五日陝西宣撫使司言近來諸路有得
功將士多是不依元降賞罰格疾速依公定奪聞奏朝
廷只憑逐處奏狀推恩慮逐路淹遲啓倖詔本司指揮
逐路經略司竝依行軍賞格施行立功將士應合酬敘
者皆令主將於賊退後諸軍未散時對衆遂定直言斬
獲中傷次第務從簡速一將士得功主將即時對定明

具姓名申奏不得以隨身牙隊及親識移換有功人姓名致抑壓先鋒遠探及臨陣効命之人如士卒顯有功効為人移易抑壓者許經隨處官司自言 六年七月十六日詔諸色人殺熟戶以邀功賞者竝斬奏仍許人陳告每名轉一資賞錢百十無資可轉更支三十十竝先以官錢給後於犯人催埋入官如軍人陳告事干本營者送別指揮先是邊吏多殺熟戶詐為首級吏不能知而無辜死者衆故為之禁 十月二十九日詔樞密院重脩行軍賞格與中書詳定進呈 十二月三日詔諸奏賞功內將官使臣並具元將出戰兵甲若干隊每隊若干獲到首級及輸矢之數聞奏 七年三月二十

九日熙州王韶言今月十七日走馬承受公事張佑齋到敕字黃旗付本司告諭熙河路將士如能協力一心用命大破賊衆廣有斬獲當此收復河州倍加酬賞士皆感舊軍声大振 七月三日詔破蕩踏白城一帶作過蕃部押隊使臣各計所部人數并獲到首級以十分為率九分以上為優等五分以上為第一等三分以上為第二等一分至不及分若無獲者竝為第三等優等遷六官餘推恩有差 十月一日中書樞密院言今年九月二十八日同奉詔取索諸軍自來出戰有殺獲功勞諛轉資之人委隨處當職官子細呈驗如委是少壯各具姓名得功次數置簿抄錄訖仍別開坐保明以聞

八年五月十二日詔諸功賞未經酬敘達格改者若
新格輕聽依立功時若重聽從重賞入編敕從中書刑
房所定也 元豐二年八月二十二日審官西院言磨
勘供備庫副使劉希奭歷任兩以邊功遷官在格當異
當調詔希奭與轉七資仍詔自今身經戰鬪酬獎遺官
方理為戰功著為令 三年五月二十一日權發遣郎
延路鈐轄曲珍乞德順軍界祖父弓箭手地改正戶名
不可則乞輸錢詔曲珍累有戰功其地四頃半特賜之
四年三月十一日詔瀘州將官等第遷官或減磨勘
諸軍弓箭手義軍勇敢效用招安將等獲級重傷遷資
輕傷賜帛有差獲首領者遷兩資獲乞弟叔目募級遷

三資賜絹五十

以韓存室年明功狀也五月二十七日

都大經制瀘州夷賊林廣言差借者史利言齋文字付

乞弟以取王宣下落蠻兵士及以^說諭諭為名陰視近兵

之路勇勁可嘉詔史利言遷一官 七月二十一日詔

在京每年秋差官閱賞軍銀器宜以去年所用數為額

自今更不差使臣止付管軍臣僚令於年內親依畫一

閱賜所支銀器並以群牧同封樁支 二十三日詔鄜

延環慶涇原熙河麟府路各給諸司使至內殿崇班敕

告百東頭供奉官至三班奉職宣頭二百廊延路別給

三班借職至殿侍軍大將劄子百如軍前有効命^舊力

可以激勵衆心者隨功大小補職書填給付 八月六

日上批西賊犯綏德城本城殺逐退散其有功之人速
休格推賞外獲級者每級加賜絹十匹自今應邊塞殺
獲準此 二十二日詔中書降勅榜西南蕃羅氏鬼主
下瑩首領沙取若能諭之早降朝庭當厚加爵賞如
未肯降能掩殺赴官即賞真金五百兩銀五千兩錦五
百疋絳絹五千匹更當優加官爵其下得力瑩兵賞鹽
一百斤羊百頭如殺到之第下瑩兵每級賞絹二十匹
夷兵十五匹小頭領三十匹大頭領六十匹其逐處部
族都大頭領亦重賞 十一月九日內降賞功格一主
將計功大小聽裁一走馬承受公事計主將成功大小
聽裁一軍中掌機宜官計主將成功大小聽裁一逐軍

將副通計所部之兵除亡失外以所獲分五等即斬級
計分及一千以上仍每百級加賜銀絹五十匹兩官各
轉銀絹兵賜九分以上第一等五官七分以上第二等
四官五分以上第三官三分以上第四等兩官一分以
上第五等一官七釐以上減四年磨勘五釐以上減三
年磨勘三釐以上減二年磨勘一釐以上減一年磨勘
不及釐支賜絹十匹一部隊將押隊諸色人應手下有
漢蕃兵馬計分推賞加賜准將副例惟賜不共賊中任
事首首應裁大首領調正監軍偽置郡守之類四官賜
絹五十疋次首領謂監軍及賊中所遣偽天賜之類
四官賜絹三十匹小首領謂鈐轄都頭正副寨主之類

兩官賜絹二十匹蕃丁一級轉一資賜絹二十匹二當
戰重傷一次轉一資賜絹一十匹一闢敵捉獲驢壯蕃
丁一名轉一資賜絹二十匹一當戰輕重傷一次非闢
敵獲賊強壯蕃丁一名各賜絹一十匹一新歸順之人
立功隨伏依格倍賞一五等雜功凡減年者並依條比
折下項為一等轉一資臨機獻謀致軍兵獲勝身先士
卒推鋒陷陣率先入賊衝陣破賊苦戰力敵先鋒引路
爭險奪隘設伏邀截殺退賊衆最為得力率先奪渡過
河率先登城用命闢敵倫亂賊寨首先得力之人躬親
督勵兵衆入陣破賊陣前賈勇士卒破賊得力催驅陣
隊攻破城池逢賊引人撞陣破賊驅擁人馬向前破賊

下項為一等減四年磨勘無磨勘人支絹二十匹能獲

賊害濟接糧草供饋不乏能預探賊馬下寨去處致大

軍掩擊成功燒蕩不順族帳首先得力之人下項為一

等減三年磨勘無磨勘一十五匹陣前及馬前使喚破

賊得力管押般運累送催驅給納糧草別無不前應副

軍期事件隨軍諸般幹當事件得力陣前帳前主管金

鼓傳呼號令排布陣隊陰陽官占望剋課能獲應驗隨

軍主簿下項為第一等減二年磨勘無磨勘人支絹十

匹親兵使喚最是得力管幹下營壕寨製造攻城器具

橋梁舩棧管幹官及作頭隨軍醫人出取箭頭并醫過

人數隨軍行遣人吏隨軍幹當事衙校主管隨軍器甲

什物別無散失部領照管運糧人夫別無逃避下項為
一等減一年磨勘

無磨勘人夫絹五匹

踏白白旗子卓

望賊馬無虞小壕寨親兵急脚子傳送機密文字無虞
獸醫隨軍醫療鞍馬不致死損 二十五日种諤言米

脂川敗西賊有功人令學士院降詔賜諤銀絹各二千
匹兩其獲級諸軍等依格酬獎遣幹當御學院劉惟簡
往延州賜行營經畧副使以下茶藥傳宣撫問漢蕃將
士及等第支賜禁軍都指揮使錢七十絹七匹都虞候
以下有差其下軍卒支絹或紬一匹 十二月二十六
日涇原路經略司言右侍禁魯福隨彭孫至鳴沙川遇
賊凡三戰皆重傷乞優賜推恩上批授閣門祗候賜絹

百匹 五年三月二十三日樞密院都承旨張誠一言
今後諸軍因功或捕賊換大小使臣者許帶舊請受從
之 四月二十七日詔討乞弟將校依本等推賞兼功
人並累賞初中書樞密院言姚兕當減磨勘四年緣皇
城使改官不用減年當至元豐六年七月遷遙郡防禦
使內殿承制秦世章當遷三官先坐打誓不實被刺及
破乞弟會遷一官如京副使張仲安劉甫各當遷一官
不能戢士卒殺人夫為賊級候奏功取旨王光祖當減
磨勘三年坐打誓不實被刺及昨破乞弟當減磨勘四
年供備庫使高遵治西京左藏庫副使張壽當減三年
東頭供奉官杜議當減四年各坐殺降人級作闕敵被

勅詔姚兕遷送郡防禦使秦世章張仲安劉甫並如前
詔王光祖通用減磨勘七年遷一官更磨勘二年高遵
治張壽杜議候案上取旨 同日降告七十五道敕三
十道宣四百八十七道劄子八十六道付沈括賞曲珍
出塞時立功將官有輕重未當者以聞 五月四日詔
引戰環州弓箭手都指揮王隱舊病在目因奪隘力戰
箭中左目與三班借職給俸祿終其身並與引戰支賜
仍許子孫承襲 五月七日都大經制瀘州夷賊林廣
上討蕩蠻賊軍負等部領獲首級并權隊將獲首級人
功狀詔成隊二十分與轉六資內一資支絹十五匹其
餘分釐並依部隊將例不成隊人依陝西格推賞 六

月十四日林廣言準御前劄子封付臣賞軍功告身宣
等臣契勘隨軍出入與不顧死亡用命之人恩賞即無
等差并引戰擁隊將校等隊下獲級所得酬獎比韓存
寶奏功推賞不同詔引戰擁隊七級與遣一資每加等
推賞至五資止餘資止賜絹 十九日詔將兵皆計所
部多寡所亡所獲比折分釐定賞比聞諸將討賊多率
衆以自衛及至奏功即減數以就賞顯屬從冒自今出
戰先以所部兵多寡奏若上功狀即計所部人所獲級
以聞 七月八日尚書司勳言梓州路轉運司保明瀘
州應副軍期官等出界冒險以至蕩平實有勤勞詔八
等逐等並依林廣下幹當公事軍主簿例優等不理選

限試監簿依特奏名同三禮推恩攝官出界入箐第降
一等第三等升半年名次界首逐等升一季名次軍大
將並比折減磨勘年內勒停人候敘用日準此入箐在
夷界死各賜絹百匹入箐回死六十疋出界回死四十
匹 二十三日詔彭孫功與罪相當其賞罰各不行時
孫出界亡失正軍當降兩官斬獲首級當陞兩官以功
贖過故也 二十九日詔應緣支給軍賞物帛乞取者
論如河倉法與者不坐 八月二日涇原路制置司行
營總管劉昌祚言昨本路兵出界每遇大敵常獲全勝
後諸將聽高遵裕節制但聚為一軍不往來外援致師
老退還臣蒙恩釋責累及諸將蓋各有亡失分數緣內

有攻城傷殘飢殍拖後人數不少即非戰敗計失伏望
衿察量推恩賞詔磨礪隘得功將副朝廷於賞格特加
一等其亡失人兵會計分數等降罰 九月十五日熙
河蘭會路經略司言定西城遣譯語彭保六人入界刺
事得賞有勞詔並遷一資人賜絹二十匹 六年三月
二十一日河東路經略司言左藏庫使薛義出界敗賊
於葭蘆西嶺詔遷皇城使乙屈先降引路遷兩資賜絹
五十疋印諸軍依輕傷格門下繳覆義所部三千三百
四人除折亡失并老小外計復六十九級詔義止減磨
勘三年 五月六日詔供奉官郭惟賢部九十騎獲級
五十六身重傷及先鋒破賊左藏庫副使高永翼部五

十二騎獲級一百二名遷五官餘遷官賜絹有差賞從
訾虎部兵出界功也又詔高永翼以兩員官遷皇城使
貴州刺史餘三資許回授五服內親 閏六月五日詔
熙河蘭會路安撫司近遣楊吉等出界討賊冒險過河
兵少而斬獲多令制置司於賞格外優賜之其沈溺人
厚加撫卹給馬外賜絹十疋鄜延路經畧司上戰功也
十四日汪原路經畧使盧秉上姚麟祛乙丑部諸將
討堪哥平功狀詔斬獲一級遷一資重傷遷一資獲疆
壯蕃丁一名遷一資賜絹二十匹主將東上閣門使英
州刺史姚麟降敕獎諭賜銀絹六百疋將崇儀使張世
矩等八十四人遷一官三人減磨勘三年一人減磨勘

三年走馬承受二人各銀絹五十管機宜文字官一人銀絹二箇諸班直各絹十匹諸軍敢勇效用弓箭手蕃兵等絹五匹部隊將四十二人十一人遷一官三人遷兩官一人遷三官餘減磨勘年賜有差 九月十八日知延州劉昌祚言第二將彭孫所請獲級傷中賞絹準朝旨相度等第裁減事乞且依元立賞格施行上批軍賞之行所加者衆患在數易以惑士心如昌祚之言甚允宜依所奏他路可並準此 十二月三日蕃官左侍禁朱泥凌遷四資賜絹五十匹悖也 貳尾遷三資絹三十匹乙麥乙凌遷兩資絹二十匹輕重傷並依格奪得馬給馬外賜絹十匹廊延路經畧司上戰功也 七年

二月一日熙河蘭會路經畧制置使李憲上蘭州城守
追敗西賊功狀詔保全一路有功降敕獎諭銀絹三千
將校等遣資有差餘以格推賞陣亡諸軍賻絹軍員三
十匹下至遞鋪二十匹 三月十一日詔劉祚昌本路
士氣自永樂不守以來折索摧喪非往日之比近聞諸
將互出頗獲賊級軍氣少振宜有旌別特以氣作之今
賜御緊絲戰袍紅絲勒帛金線烏梢弓虎紋靴鞋銀纏
桿槍朱漆圓排金渡銀裝手刀各五十宜擇衆與之人
量所宜賜之 十二日詔支內藏庫絹十萬付環慶路
經畧司為軍兵賞 五月一日詔鄜延環慶涇原熙河
蘭會河東路各給空名宣劄子二百 四日詔知延州

劉昌祚去月癸巳西賊犯安塞堡第五將以少擊衆獲其酋豪除朝廷已特支外可以經撫庫金帛或御前降去銀器先賞衆所親見用命有功之人其謀知賊馬信驗者優予酬獎 十九日皇城使忠州刺史呂真領嘉州團練使西京作坊使米斌為內園使雄州刺史內殿崇班張仲元為內殿承制閤門祇候以上批安塞敗賊寔由呂真斥候明審米斌得以收漢蕃入保安塞被圍即領所部應援與副將合力驅除雖斬獲不多亡失過甚存心忠勇不以彼我為念宜獎之以勸協力國事者斌等單孤一寨守兵不滿十人却賊數萬斬獲著名充悍酋豪十數賊喪氣逃遁與前後出寨俘斬老弱不同

可優厚推恩故也 七月九日廊延路經畧司言种諤
上大軍出界進討分遣諸將收夏州至上書平白池等
處有功人內第一等將副乞推恩詔李浦遷一官趙守
忠李思古已死遣官恩賞每資賜絹五十趙守忠百五
十李師古五十給其家 二十三日給空名宣劄三百
付熙河蘭會路經畧司 八月一日侍禁杜能自陳有
邊功御延和殿引見賜人馬甲一聯 九月一日給李
元輔經制絹五千付秦鳳路經畧司以賞功 二十二
日環慶路經畧司言殿直柴植等三人同討吳八章等
寨獲三百級無亡失蕃官例各轉資詔令減磨勘二年
十月十二日詔定西城守城漢蕃諸軍并百姓婦女

城上與賊鬪敵者人吏絹十匹運什物者母七城下供饋雜役者男子五匹婦人三匹 十一月一日詔涇原熙河蘭會路賞功宣誥入急遞 八年七月二十八日 前熙河蘭會經畧制置使司言昨朝廷所降空頭宣誥等有未書填乞回納從之河東陝西諸路經畧司依此今後得功人並自朝廷推恩 哲宗元祐元年閏二月六日樞密院言武臣戰功酬獎不以諸司使副大小使臣每一資於見任官上改一官內皇城使一資遂轉送郡刺史或除入橫行并閭門使以上每一資亦轉一官比之使臣輕重未均詔閭門副使左藏庫副使以上每一資轉一官客省副使及皇城使以上每一資轉一官以

上應減年者並回授有服親應轉資每轉資一官或循一資不得轉至朝奉郎及諸司副使并幕職州縣官改官應減年人對減磨勘年限不同者依賞格準折 同日樞密院言元豐四年陝西河東兵進討權宜重立賞格誘激將士獲給重傷等第轉資外重加賜絹及捕獲分釐雜功五等之賞並特優厚昨自還塞後來遇巡綽探事之類逢賊鬪敵尚用此格除所立功狀尤異合臨時取旨推恩外今別脩立捕獲賞格並從之 八日樞密院言走馬承受近年遇軍行多以親戚請託僥倖功賞欺罔百出欲乞隨軍出入人不以將功効大小不得陳乞推恩違者以違制論有能覺察軍中將帥賞罰不

當申奏功狀不寔並密具聞奏朝廷根究得寔當優與推恩及走馬承受親戚門客親隨等並不許隨軍効用雖著功勞亦不在酬賞之限如故隱匿因而酬賞者犯人決配走馬承受若知情官司並除名許人告以犯人所受恩澤充賞從之二十四日詔今後蕃官立功優異者方取旨差充本族巡檢仍當三資令樞密院遵守三月五日樞密院言脩定監司按土兵賞格從之

二年六月十二日熙河蘭會路經畧司言西賊寇定西城權監押吳猛等戰死詔猛及死事兵校等第推恩加賜其輕重傷中人令經畧司依條施行七月四日樞密院言殿前馬步軍司每年按閱諸軍支賞銀未有定

限詔以十分為率選應賞人無過三分歲止一次八月八日河州川寨戰守有勞漢蕃官兵遷官資賜帛有差九月十五日涇原路經畧司言夏人夜遁賜將帥兵民銀錢絹袍帶有差仍提具功狀以聞三年五月十六詔賜熙河蘭會路銀絹各五萬鄜延路絹八萬涇原路絹七萬環慶路絹五萬秦鳳路絹八萬並以防秋備軍賞也四年八月六日詔戰陣立功人犯罪應追降及準例入重者品官并轉三官文臣與換武臣選人與改官未授品官人得奉職知令錄將校并轉三資軍人得正副指揮使為第一等并轉兩官及循兩資白身人得判司簿尉借差已下得借職殿侍大將已下得差

使將校併轉兩資軍人轉軍使都頭為第二等轉一官
循一資殿侍大將轉借職借差轉差使白身得未入官
名目文臣減三年武臣減四年磨勘將校轉一資軍人
轉副都頭兵馬使為第三等第一人三次第二等人兩
次第三等人一次有犯各取旨其逐等人即犯公罪徒
已下私罪杖笞情輕者不以次數並準此 五年三月
四日荆湖南路安撫鈐轄謝麟言處置邵州管下蠻賊
畢詔第其功為五等轉官減年磨勘支賜有差所部人
獲級更不推賞器械估價給直 九月二十二日措置
荆湖北路邊事司言渠陽寨主李備申蠻賊犯邊借差
楊晟經等掩獲有功詔與等第轉資及補軍校應該賞

人其借職已下令給降付身文字依陝西例 七年二月六日樞密院言諸探報多不寔緣賞輕無以激勸欲令陝西河東經畧司各以本司封樁或軍賞錢物給充探事支用其沿邊州城堡寨將副舊得支用者亦酌數均給若探報有功或報不以寔並量事輕重隨宜賞罰事理極重合從朝廷賞罰者奏聽指揮從之 紹聖二年十月二十九日詔西經左藏庫副使賈宗元有戰功與轉七資 三年正月二十八日詔戶部於內藏庫支銀絹各五千匹兩度牒二十付鍾傳除賞激漢蕃弓箭手及往來幹邊事佗毋得闕給 三月二十二日詔今後陝西河東路賞功並依元豐賞格推恩例經畧告諭

漢蕃將士等 五月二日詔陝西河東路經畧司探事人所報有寔優與支賞如止於近邊探聽撰造事宜規圖恩賞嚴行懲誡 八月四日詔西賊寇順寧寨諸將獲級其合該賞人內尤異者當於新格外更與優恩 八日樞密院言元豐朝旨不得以老少婦人充級已錄送陝西河東經畧司照會日近諸路累有新獲首級竊慮猶有夾帶致悞朝廷惟賞無以激勸寔効之人詔逐路經畧安撫司子細識驗保奏違者依法施行 四月二月二十九日詔皇城使已上因戰功試轉資者許回授五服內有官親屬轉一官如功狀優異即取旨許回授白身親屬與借職 三月八日呂惠卿言教榜內招

招到鈐轄都頭正副寨主之類與左侍禁事體未便今
欲於鈐轄都頭下隨所管或將帶人戶多少於右侍禁
以下至副兵馬使相度等第安排仍依元豐年例降空
頭宣劄赴本司候有投降一面書填給付詔今後應有
似此之人仰經畧司斟酌合得名目等第安排并其餘
招納到合該推恩首領除東頭供奉官以下至都頭兵
馬使共賜空名宣劄二百道委帥臣一面書填給付訖
以聞河東陝西諸路亦依此 十一月十五日詔自今
陝西河東路隨軍官員使臣等非有經畧司文移差借
者雖立功應賞者勿推如在軍顯有武勇人從經畧司
審察有功効者依格推賞 元祥元年六月九日詔應

輕重傷並令諸路走馬承受依條點檢覺察施行應以
首級詐首領鈐轄之類妄求恩賞據所冒合轉資數並
依以老幼婦人首級妄冒施行 十月四日御延路經
畧呂惠卿言將兵入界或受降或戰殺全繫兵將官臨
時處分若於陣前生降到人戶不優與推恩即恐他日
討蕩之時不肯全活却致族帳盡為仇敵不肯歸降欲
將出界陣前生慮到老小婦女每五人理一級轉資其
生降到壯人每名依斬獲例推恩從之 二年三月十
八日引見殿前馬步軍司揀到散祇候王貴射弓加力
應法換左班殿直仍減磨勘三年賜袍帶貴自陳曾隨
軍入西界眼下中箭得輕傷酬獎乞改作重傷上謂李

憲等曰眼下中箭可得為輕傷邪詔送樞密院改正

四月二十四日樞密院言漢蕃官弓箭手并諸軍蕃兵等有功未賞而身亡或陣亡子孫若兄弟之子合皆承襲推恩者舊例漢弓箭手承舊職名蕃弓箭手蕃官承新職名理有未均欲自今悉因舊職名推恩應承襲準此其未授賞者每一資賜絹二十匹功狀優異者取旨從之三年四月^{九日}詔諸路賞功有大轉官資許舉覺改正人吏而支賞錢二十二日詔熙河秦鳳西路冒賞功例降兩官外並與敘復路分以上降一等差遣徽宗建中靖國元年八月二十九日廊延經畧司奏本路自紹聖以來前後所奏功賞例多妄冒其間有冒

二資至一十資已上至有小使臣轉皇城使効用轉諸司使副者不少及環慶路勘會到自効用之類推恩最高者止於右班殿直上件詐冒功賞並係帥臣保奏不寔致悞朝廷推恩呂惠卿可落觀文殿學士劉安降充東閣門使饒州刺史張誡降充左藏庫使衡州刺史崇寧三年八月七日樞密院劄子王厚奏去年十一月內河南蕃賊攻圍作過尋差兵馬前去逢賊鬪敵逐次斬獲乞推恩詔內減年人年限不同依條比折其蕃官未有磨勘年限人今經畧司寄籍候再立功通計推賞仍先次告知委 四年二月二十一日詔王厚夏賊不恭自陝西兵未得解諸路斬級動以千計雖兇虜離叛

義所當誅然四海生靈皆朕赤子鋒鏑之下各為其主
膏身草野朕所盡傷累降指揮不吝金繒爵賞廣行招
約庶保生全而有司論賞招降之格輕於斬獲是使人
樂於殺人而怠於生致甚非朕好生不殺之意其令諸
路每遇出兵先以招納賞格說諭差人俾之投順自今
招納到一名依斬獲一級推賞不分首級及蕃丁大
觀二年正月二十七日詔武士能立戰多以功次至使
副者吏部尚書循常格未得親民甚失勸獎之意自今
雖未歷監當並與親民以上差遣 政和六年四月二
十五日詔邊庭之士有觸鋒冒矢義不及顧與敵人爭
一旦之命獲級陷陣拓地伐國者自祖宗以來功居上

游著為甲命即與恤養惻獨收藏遺骸重輕有問矣今
夏差弗度西陲震武介冒之士宜有激勵所有前降因
臣僚奏請民功在戰功之上指揮更不施行 七年八
月二十日詔瀘南城寨招安把截將之類以年勞累遷
都史并蕃官夷界巡檢等舊法須候立功方得遷轉及
出官若不生事功何由立甚非綏靖之策今後如寔歷
五年滿日能彈壓邊界別無生事將安將合出官者特
與出官其蕃官巡檢等與轉一官量增鹽緡稍有生事
重行典憲 八年六月二十六日詔准西捉殺盜賊并
擒獲賊首生致闕下一行捕盜官等經述冬夏宣力勞
苦可依逐項推恩內見任人差遣依舊第一等統領捉

殺官 宣和三年二月二十九日尚書省言江浙淮南
等路宣撫使童貫奏臣措置兩浙兇賊應遣發將兵並
係宣撫司授以方畧所有逐路監司守倅并州縣官巡
尉捕盜應合推恩人數浩繁務要行賞均當若不經
由宣撫制置司考驗諸賞竊慮諸司將目前小効張大
事體便行保奏有害用命寔立功効之人兼恐泛濫別
有夾帶希冒賞典伏望特降睿旨應諸司申奏今來捕
賊功狀並從宣撫司覈寔保奏推恩如宣撫司巡歷別
路措置即本司牒制置所保奏或諸司已有保奏見在
朝廷者亦乞降下本司考驗施行所貴革去冒賞之弊
從之 同日尚書省言威武軍承宣使同知入內侍

省事制置譚稹奏契勘青溪群賊燒劫州縣自大兵下江浙分布討殺隨賊所向朝多暴露用命傷身者蓋以今來賞典甚優平日撫養之厚激勵所致比年諸司多以終見少有殺獲便即鋪陳次第奏乞推賞先及守臣或職事官臣竊謂官有常職而士卒是皆効命以今賊勢克逆動即拒敵若有殺獲理宜先賞戰士庶幾激勸衆心臣欲望聖慈特賜睿旨將今後有司應奏乞殺獲賊徒推賞之人並令宣撫制置兩司同共覈寔先賞戰士所有守臣命官等並次第具的寔取旨施行若有勞績顯著即令兩司先次保奏聽旨施行所貴爵賞不濫克孽早平詔從之令三省樞密院遵守

閏五月十五

日詔江浙方賊等作過其官員軍兵并効用諸色人獲
級重傷捕獲等功賞並依陝西河東見行條格體例施
行 六月二十二日福建路轉運司奏乞準尚書省劄
節文福建路提點刑獄俞向奏為本路不住分擘官兵
於界首把隘及出界前去衛信州策應捉殺有獲功人
乞出給空頭告勅下本司候事畢推賞所有已降賞格
合給錢絹金銀乞下轉運司以諸司錢樁辦勘會立功
人自合從宣撫司制置所保明推賞其合用錢絹金銀
已降指揮委鄭可簡專一應副本官自合那融支撥契
勘本路差那官兵召募槍仗手於本路界首把隘及出
界前去所有在衛婺州獲功之人多是就近甲信州出

給公據之類蓋緣該處官尉惟貪已功務殺獲數多更
不審寔例皆給與照據若盡憑外路給到公據令本路
依數支不唯見在錢物有限應副不足兼恐他路官司
以支費不係本處財用各無勒借多有偽冒不寔除已
奏聞欲乞應本路差出在別路立功之人並從元給據
官司路分給賞施行詔應獲功人令所在官司子細勘
驗詣寔給據不得稍涉詐冒如違當議重行典憲 九
月二十九日江浙淮南等路宣撫使童貫奏近據劉鈺
申自睦寇猖獗杭州失守越州止隔一水有本州貢士
錢則忠學生林知言陳狀乞部轄巡防召募到一千六
百人自部領分頭守禦巡防使居民安堵顯見逐人用

心有勞効錢則忠擬補承信郎差充新昌縣尉兼主簿
林知言擬補承信郎差充嵯縣尉詔依所奏施行 四
年七月十五日詔東南功賞及陣亡恩澤限十日結絕
二十二日樞密院言宣撫司申統制王渙申前去收
復處州其獲級有功合轉資別作施行外其餘一級合
支絹七匹劉儀張彥忠各三級今比擬支絹共二十匹
何擇五級今比擬支賜絹三十五匹關請施行從之
五年六月五日兩浙提刑王仲閻申伏覩昨收復樂清
縣日拘收到賊人遺下耕牛五千六百餘頭給與人戶
每頭錢一十貫文計錢五萬六千餘貫於條即係贓罰
之物欲將上件錢取會本路予給應陣亡軍民詔依

十五日陝西河東河北路宣撫使童貫河北河東路宣撫副使蔡攸奏勘會河朔自兵興到今來撫定燕地寔周一載委監司等分等應辦並無闕悞今分定等第伏望特賜推恩奉御筆第一等陞一職轉兩官無職可陞人轉三官第二等陞一職轉一官第三等轉一官已上無職人除初品職有止法人轉行并轉可陞者比附施行內不曾入燕官與比入燕官輕重稍異 十二月二十九日樞密院言比來諸路差赴河北統押兵馬將官多指射官司人吏充吏職使臣以管勾文字為名兼充陣前使喚冒濫恩賞於軍情未便實害軍政契勘其河北及諸路自来未有條禁兼使臣充吏職之人亦未有

詠載不許差隨軍使喚約束詔遇軍行其人吏及使臣
充吏職之人止許隨軍行遣文字衙校隨軍勾當外即
不得差充陣前使喚部轄人馬雖立到功勞亦不得奏
推賞 六年四月三日樞密院奏諸軍出戰被傷合保
奏推恩訪聞將司隱落不為保明甚非勸功激勵之意
詔今後戰傷人並據實以輕重開具違者以違制論

十八日詔比年禁軍出戍因戰亡歿及有未知存亡人
本轄官司牒報住營去處只稱收身不到不即指定戰
歿或係逃走如委實戰歿其家合詠支賜贈之類既無
明報使官司不能依條例支給昨雖降御筆處分今依
舊接續支破一季緣季限之外家屬即便失所誠可矜

恤今後應戰歿之人並須以寔勘驗戰歿或逃亡關報
住營去處更不得稱收身不到如違以違制論 八月
十八日收復燕雲赦應昨收復燕雲路命官等被差把
隘口之類別無透漏疎虞與比附部押兵夫等例推恩
應昨撫定燕雲將佐官屬軍兵等立功應合推恩而有
司漏落之人仰赴所在自陳如有據驗并疾速保明聞
奏 七年五月九日德音京東河北路州縣昨平燕日
先効用人河北逐路各有立到功勞累及三資已上其
所補名目錄有司不通知抵各於効用上出給公據致
隔歲月未被恩澤許經所在自陳仰逐路帥臣互相關
會姓名具實審察類聚逐次所立功勞分明開說申樞

密院當議一併推恩 六月十四日詔比緣攻討西賊
及江浙河北調發軍馬立功者衆雖已推賞尚慮其間
有本路功狀未到攢造差舛會問稽留已隔歲月致竭
力効命之人久阻陞遷可下逐路帥司詳具有功軍兵
三年未經推賞者依元攢功狀別保奏有傷中未請支
賜者限一月令逐州軍依數支給不得留滯庶稱勸獎
激勵之意 十二月二十二日詔減掖庭用度侍從官
以上月廩罷諸兼局有司據所得數撥充諸路糴本及
募兵賞軍之用 欽宗靖康元年二月十二日敕書應
將佐使臣軍員兵級有功或能著顯效者仰守禦宣撫
使司疾速保明聞奏應今來召募差發人兵州縣官有

率先辦集併人數最多去處及曾被攻圍州縣鎮寨官
吏將佐等能防護城池糧草并安存民戶不致散失者
並仰逐路監司保明聞奏京城守具樓櫓脩全了當官
吏作匠等今所屬疾速保明奏聞並議推恩京城守禦
官兵仰守禦使司具有功人保明推恩 三月五日詔
正月七日夜金賊攻宣澤門九日攻安肅通天景陽安
泰門二月二日至八日攻咸豐門其逐處官吏當日分
守禦者增倍推恩 十四日詔曰朕初嗣歷服適下艱
難賴天之靈敵人悔禍永惟士夫探甲冒矢石捍寇
勤王朕甚嘉之其令有司寔錄立功將士以名未上毋
以愛憎為高下務在必當庶幾賞不踰時感勵思奮協

圖康功今後非有軍功戰功及實有勞績外並無恩倖
非泛轉官賞賜布告遠近使明知朕意 二十一日詔
扈從行宮將校軍兵齎銀絹前去等第支賜內在泗州
駐劄人仍各與轉一官資扈從往還渡江人轉兩官資
九月十四日樞密院言諸路立功將士祖宗舊制並
係帥臣或主將等畫時具將佐使臣下至兵卒所立功
勞開列等第保奏樞密院既得旨即據職次給降付身
比年以來多因先以統制兵將官奏捷狀便行推賞逐
官既已遷官其餘動經歲月方以上聞樞密院又將其
間使臣劄下吏部副將下刑部軍人下軍馬司弓箭手
之類下本路再行勘會或致經歷一二年間方以三兩

名申院不唯寔立功者久不霑恩慮亦別生姦弊詔今
後應戰功酬賞並仰帥臣等限五日內將應干立功人
自將帥下至卒伍逐一開具所立等第職次軍分一時
保奏即不得用情致有漏落不實候到令樞密院所奏
功狀以立功等第取旨併推恩給付付身宣劄告命等
類聚差使臣齎往軍前給賜 十八日樞密院言陝西
河東立功將士自來諸路帥司具到功狀朝廷已降推
恩指揮下吏部勘會緣本部各隨官分關諸案行遣多
致散漫是以動經歲月有失朝廷激勵將士之意詔令
吏部內選各摘那人吏專一置案行遣仍仰自今後每
旬具承受到文字及給降過付身公據數目聞奏河北

逐路依此

閏十一月十三日選間使齋蠟書往諸道

召^勅王兵甘身及有官人皆招募與官或帶閣職書詞

云宜疾率衆不限萬數倍道前來南道總管張叔平率

先勅王^至之一日而除延康又二日除資政又三日除

資政院簽書諸路兵若能速來不以官職尊卑亦當優

加勸賞監司帥守能奮力為國之人即速結^軍軍民以救

國難其所用資糧逐急權郡應副雖於法有礙亦許支

用有能糾集差部轄之人許以便宜隨功等第借補文

官自迪功郎至宣教郎武官自副尉至從義郎候到闕

給告正授有官人令加借十五日虜以洞子屋負土

填壕募能焚之者賞絹二千疋銀五百兩白身補秉義

卽有官人轉七官 高宗建炎元年六月十四日詔自
今有能收復河北河東兩路州郡及救解急保全一方
功効顯著除本處節度觀察團練防禦使依方鎮法
九月十八日詔近來軍兵多因潰散及避逃罪逃竄却
緣請處召募並不顯軍額逐急投充効用以應一時之
選偶因功賞補授副校尉及使臣了當陳乞稱元係某
處軍分職名情願不就校副尉及使臣名目只乞於已
前軍額名目上一併改轉可將應今日以前似此投充
校用獲功補轉之人願依舊軍額者每兩資止當一資
收使其一資人更不許換如日後更有如此投充効用
獲功之人更不推恩 十月七日臣寮言累年以來

保奏功賞類多不實如江浙山東之捕盜關陝兩河之
邊事有司出給文據冒濫不一今若一槩止絕恐有實
立功績之人或生怨望若盡行推賞又恐冒濫既衆名
器益輕願自建交以前應干功賞照驗未經釐革未經
施行者累遷不得過三官合循資之人亦以五資為限
其餘建交以後並依條例施行從之 二年正月十三
日臣寮言自數十年來保奏功賞例多不實或親戚之
私或權貴之薦或醫巫卜祝之徒或工商皂隸之賤未
嘗臨陣遇敵輒冒功賞軍士怨憤久矣乞戒諭差出并
見今統兵將官務在體國盡忠如敢循襲前例輒保奏
不實者官員坐欺罔之罪軍曹司等編配遠惡州軍許

御史臺覺察彈奏所有沿邊州軍及應干保明功賞去處依此從之 二月十三日詔權發遣濮州楊粹中除直閣祕以粹中率官吏軍兵守城禦賊故也 三月十二日詔知江州陳彥文除龍圖待制以彥文遭賊兵張遇攻圍極力守禦故也 七月十六日詔諸帥臣并應統制統領兵將官今後遇攢功狀內有一名累次立功之人於本名下只作一項開排立功次數因依保明陳乞以兵部尚書盧益言功賞文字內有一名累次立功者却作數項開說致行遣差牙推恩名目重叠故也 三年二月十六日德音應州縣今來曾經金人攻圍能堅守不去致一州一縣保聚無虞仰帥臣或監司具狀

保明申朝廷元守城官吏等並各特與轉三官資若金
人經過去處雖不被攻圍而能保守不致殘破亦各與
轉一官資 四月八日敕書應舊行賞典除捕資軍功
戰功陣功歿於王事之家恩澤外並權住行遣一年其
未經推賞之人候到駐驛處委省官四員限一月施行
今後功賞應經歷處各限三日與決行下 四年正月
十五日詔兩浙東路制置使張俊本軍人馬在明州率
先出城與金人迎敵殺死金賊不知其數奇功軍兵各
與轉七資餘各有差 五月十七日臣寮言樞密院每
遣討賊即給印簿一面號曰功罪簿以授將臣凡有功
罪悉書于簿回日奏功即以其簿繳納于樞密院後不

得續有添差姓名從之命尚書省行下諸路帥臣根究
死事之臣殺賊之民考驗詣實類申朝廷以加勸恤詔
令三省條具以次施行 二十九日詔金_屬州安撫使
王彥特補正右武大夫忠州防禦使以宣撫使司言永
興軍路部將似達結連軍兵殺害本將張順不捷部領
人兵作過至五月二十六日侵犯金州界王彥於黃岡
嶺活捉似達等三人并叛兵四百餘人故也 七月八
日詔武經大夫榮州團練使孔彥舟生擒到僭號妖賊
鍾相等與落階官除利州觀察使 十一月一日詔諸
軍今後保明無照驗功賞不得更有保明令三省樞密
院遵守從臣寮請也 八日詔四川宣撫司參議官劉

子羽轉三官新除禮部侍郎指揮更不施行以臣寮言
夫春官貳卿卿自非文學優長練達典故者不在茲選今
子羽以募府軍功得之於事不類望追寢優進子羽階
官故有是命 紹興元年正月二十五日詔京畿提刑
兼權京城副留守趙倫及京西南路提刑權知唐州胡
安中並在境內措置保守一方軍民安堵及奏報金人
動息各特轉三官內趙倫於橫行上轉兩官遙郡上轉
一官令學士院降詔獎諭 二月二十四日詔今後將
士立功量高下擬定合轉官資或初補名目先次給與
照會文字申朝廷審度遷轉補授庶得信賞有以激勸
五月十日詔新差知廬州王亨除兼閭門宣贊舍人

以和州無為軍鎮撫使言其奮發忠義生擒賊首李伸
故也 十九日兩浙西路安撫大使劉光世言忠勇統
制張榮與金賊大戰勦殺萬餘人并奪到衣甲等乞優
異推恩詔管轄修武郎李橫等二十四人各轉三官次
頭首有官借補從義郎呂莊等二百六十七人各兩官
將佐等無官借保保義郎陶仙等三千七百三十八人
各一官並于正職名上收使白身人依効用法 八月
三日山東統制忠義軍馬范溫言金賊渡河溫等遁居
牢山據載繼開本路從逆遂率衆船入海據守福島每遇金
賊獲功獲功無以激勸固當隨宜借補加轉望給降告
勅補正官資溫不敢自行借補官資外元有正官加借

官資三員借補官資三百七十五人今差統領官王交
參議官李植等齎表赴朝廷投進詔特依范溫補武翼
郎閤門宣贊舍人李植補承務郎杜伯材補秉義郎曹
綱補忠翊郎張十等七人並補忠訓郎喬信等三人並
補忠翊郎李進等二人並補成忠郎劉旺等四人並補
保義郎范晟等五人並補承節郎劉彥等四人並補承
信郎段偉等三人並補進武校尉范離等九人並補進
義校尉劉勳等二人及一人並補下班祇應韓存等以下
一百四十人並補進義副尉陳迪等以下一百六十五
人並補守闕進義副尉劉德等一十二人並與補正仍
降敕書獎諭 十八日兩浙西路安撫大使劉光世言

米防江委曾宣力及出戰立功人輕重分為三等乞推
推恩第一等二百八十人兩處立功人各與轉三
官一處立功人各與轉兩官內王德除選郡戰察使依
前拱衛大夫第二等七十九百七人各轉兩官第三等
九百八十九人各與轉一官資內重傷人及陣亡並依
格推恩詔特依選人比類施行礙止法人依條回授白
身効用民義兵簽軍等並依陝西効用法遵轉陣亡軍
民義兵等令本路帥司依自来條例施行 二十八日
兩浙西路安撫司使劉光世昨遣發統制官王德等前
去揚州以北討殺金賊到邵伯以來逢金賊鬪敵殺敗
棄頭不斫殺死掩入河湖不知其數再遣王德鄭瓊等

過江令直入承州金賊知覺前來迎敵殺死金賊二千
餘人及活捉到女真等詔第一等各與轉三資第二等
第三等各與轉兩資今劄付尚書兵部疾速指揮施行
十月十八日都省言近降指揮權住收接常程文字
其新立功賞自建炎三年十月以後實有軍功事狀明
白無可疑者自合收接行遣外其餘不急之賞并無文
書照驗難以取證於保任者並候來春考覈實偽行遣
十一月二日詔令尚書省出榜都門曉示應有勞績
功賞整會疊轉授之人今後並仰經所轄官司陳訴從
本處勘會諸實關中所屬施行即不得依前越訴如違
重行典憲 十二月十四日詔兩浙西路安撫大使劉

光世可特與恩澤三資奏補本宗或異姓有服親以招安賊盜保護浙西一路故也 十七日制置山東忠義

軍馬范溫言有登萊濰密四州差發大兵會鑿小高畢郭參寨北軍人馬來相攻擊溫親手斬獲蕃官首領一名敵人驚潰奪到甲馬差官屬李植等五十九人同齎謝恩表管押北軍千戶田幹并甲馬等詣行在詔范溫忠節顯著特與轉武功大夫送郡刺史依舊兼閤門宣贊舍人其管押到蕃人參議統領官使臣各與轉一官資忠義長行梢工水手合轉兩官蕃人田幹送神武中軍收管參議軍事李植統領官楊闢使臣王保等一十九人忠義長行使臣王政等七人梢工姚士寧等二人

水手于世等三十四人 二十三日詔今後應保明功
賞及陳乞恩澤之類並仰保奏官司取索初補及見任
真本告敕宣劄等勘驗委非偽冒及借補人分明開說
逐次借補因依及是何官司借補并漢蕃歸明使臣効
用各隨名色聲說如不依今來開具未得推恩退送元
保明官司重別開具若隱匿不寔當職官重行竄責人
吏刺配仍令進奏院鎮板遍牒應干合屬去處今後每
月檢舉行下說申三省樞密院 三年二月一日詔均
房州鎮撫司_使知金州王彥特除龍神衛四廂都指揮使
以宣撫處置使張浚言彥勦殺董先賊衆收復商州撫
定功也 三月十二日詔襄陽府鄧州鎮撫使李

橫鎮撫有功特與轉行右武大夫遙郡觀察使以橫提
兵汝州潁昌府界敗蕃賊功也 九月十九日詔鳳翔
府和尚原立功統制將佐等並以節次除授官職尚慮
無以激勸令宣撫處置使司於逐路無人識認地土內
標撥給賜如今後更立奇功當議增數撥賜都統制吳
玠一十五項永興軍路經畧使郭浩一十項統制官以
下一等各七項統領鈐轄路分等各五項將官一等各
三項 十一月七日詔統領官武經郎高道脩武郎司
全各轉一官將官使臣校尉尉下班祇應劉廣孫遇等
各與減三年磨勘年限不同人依五年法比折効用公
據甲頭白身人民兵弓手士兵各與轉一資於正職名

上收使白身人依陝西効用法補授以江南西路安撫
大使司言道等破分寧縣群賊甯鐵龍故也 十二月
二十七日詔程昌禹除集英殿修撰以樞密院奏昌禹
掩殺王善劉超功也 四年十月七日沿海制置使司
以防秋之際把截海道唯藉舟師以遏奔衝義當優立
賞格以勵戰士緣獲級雖有陝西効用格法理合增重
激勸効命之人詔遇緩急賊人侵犯如能生擒賊徒及
斬獲首級並當等第推恩有立到奇功之人格外優異
加賞其奪到賊船錢物之類並給所獲人若逢賊退避
並依軍法乃給降黃榜曉諭 二十六日詔董取特除
正任觀察使陳楠特轉三官除祕閣修撰仍賜紫以韓

世忠言承楚獲捷功也

十二月三日樞密院言知樞

密院事張浚前往江上措置軍事緣諸將見與大敵對
壘緩急會合軍馬遇立功即與尋常不同理宜優賞詔
諸將士能戮力用命立功之人令張浚保明聞奏當議
優異推恩仍令樞密院榜示諸軍 五年五月二十九
日詔令諸將帥今後保明功狀須管將出戰并不入隊
役人各立項分明開說的實功效因依即不得袞同滅
裂保明稍有違犯其受賞人并保明所部統領將佐並
一等重作施行 二月十一日詔荆湖南北襄陽府路
制置使岳飛下統制官徐慶牛羣人馬廬州以來與蕃
賊聞敵勝捷奇功各與轉五官第一等各與轉三官資

第二等各與轉兩官資第三等各與轉一官資並於正名目上收使選人比類施行白身人依陝西効用法補授 十二日浙西江東宣撫使張浚言近分遣統制領將官將軍帶軍馬節次過江追襲掩殺賊馬獲捷立功官兵見行勦量功力高下置策保明申奏推恩詔張宗顏落階官特除正任防禦使楊忠憫王進李瑋張宏項展田泰璋張元顧暉鄭滿各與轉五官資王再興戚方盧師迪各與轉三官 十三日詔拱衛大夫康州刺史潘義興轉兩官一官於橫行上轉一官依條回授以都督府言遣發潘義至天長軍與金人七斤太師見陣獲捷故也 十九日詔收復襄陽府等處六州軍立功官

兵將第一等立功異衆之人各更轉一官資于正名目

上收使 二十二日詔江南東路淮南西路宣撫使劉

光世下統制官王德壽過江前去滁州地名桑根與賊

血戰寔曾向前立功官兵等立奇功人各轉五官資第

一等各轉三官資內係都虞候人令樞密院特與換授

第二等各轉兩官資第三等各轉一官資並於正名目

上收使 三十日詔武功大夫吉州團練使統領軍馬

孫琦武功大夫權淮南西路宣撫使司統領軍馬王存

教授福州助教權淮南西路宣撫使司準備差遣劉慤

忠訓郎部將王寧下班祇應楊渥各與轉兩官資於正

名目上收使內孫琦王存劉慤各用上件兩官孫琦特

與轉行橫行一官王存特除選郡刺史劉慙補中州文學以淮南西路宣撫使司統制官鄺瓊言收復光州瑋等首先入城說諭故也 閏二月十八日知廬州兼淮南西路安撫使仇愈言蕃偽賊兵入寇淮西濠壽二州官吏軍將同心備禦一百餘日晝夜防守今來解嚴乞保奏推恩詔第一等各與轉一官減二年磨勘第二等第三等各與轉一官資於正名日上收使白身人依陝西勅用法補授選人比類施行 三月八日詔吳玠保明階州楊家崖等處把截捍禦金賊官兵共二十八百三十七人推賞有差 四月四日准西安撫司言本司差撥兵將收復壽春府及安豐縣了當乞推恩詔奇功

各與轉一官資更與減二年磨勘軍兵與轉兩資第一等各與轉一官資第二等各與減二年磨勘無磨勘人及軍兵增倍擢設一次第三等各與減一年磨勘無磨勘人及軍兵擢設一次內轉官資人于正名目上收使借補人先次出給公據候有名目日收使白身人依陝西効用法補授以上擢設並令本司支給內磨勘年限不同人依五年法比折 五月二十五日殿中侍御史張絢言比來諸軍保明到奇功之人止是開列姓名不曾詳具立功之狀雖朝廷依所申給文歷往往與義不平多謂冒濫乞下有司或差密院檢詳或委檢正都司各令親加參考而吏而勿預其事差別高下等第優劣

拔其尤異者具名申三省取旨付之戶部然後出給文
歷以寵其勞詔依三省委都司檢正樞密院委檢詳
六年四月十七日詔統制官呼延通除正任防禦使諸
將王權劉寶樂超魚澤並特除遙郡觀察使許世安劉
銳並特除遙郡團練使趙潤於階官上轉三官仍特除
遙郡刺史李儀特除遙除遙郡刺史王勝王升崔德明
呂超單德忠各於階官上轉行三官吳超杜琳巨振石
世達各于階官上轉行兩官解元與轉三官依條回授
以淮南東路兼鎮江府宣撫處置使韓世忠言偽邳州
女真都統訛里孛董與劉冷莊都統太一孛董等會合
女真契丹漢兒同偽知邳州賈舍人侵犯淮南作過世

忠總率諸軍兵馬渡淮離偽鎮淮軍南三里聖女壑有山寨拒抗王師遣發官兵力敵破城獲捷所有諸軍見行別擢功狀外延通等身先將士直前破賊立到奇功故也 二十六日詔令都督行府支銀絹各五千匹兩應副淮南東路兼鎮江府宣撫使韓世忠支俵激勵將士從世忠請也 五月十五日吳玠賜錢一十萬貫充隨軍激賞等使用令趙開于賣到戶帖錢內支給 二十五日詔副統制王師晟特與除遙興除團練使仍更于橫行上轉行一官以劉光世言師晟引兵渡淮至偽龍城率先破敵故也 十二月一日內降淮南路德音訪聞自來保明功賞間以無功之人冒列其中致以以

激勵士氣可令逐路宣撫司聚集將士摧排功狀其實以聞不得泛濫近者賊馬侵犯其光世下女真契丹漢兒訪聞內有用命出戰之人仰疾速保明聞奏當議優異推恩 二十二日詔知光州敦武郎王萃與轉一官除兼閤門宣贊舍人以淮南西路兼太平州宣撫使劉光世言賊兵孔彥舟等數萬衆攻打光州保護一城無虞故也 七年三月二日詔河北荆西路宣撫副使岳飛下統制官王貴特除正任防禦使龍神衛四廂都指揮使牛皋特除正任觀察使以樞密院言飛近遣貴等總領官共掩殺逆賊五大王劉復李成等累立奇功故也 十一月二十一日上謂輔臣曰諸軍使臣猥多歲

增俸廩因曰大將奏功率以所愛偏裨多轉官資而出
戰士卒往往不及不惟無以勸有功兼亦壅國用朕常
謂行賞當先自下行罰當先自上且以諸將不能如此
為歎宰臣趙鼎等曰聖慮高遠豈諸將可及 十二月
十八日詔知泗州起復武功大夫兼閤門宣贊舍人劉
綱特除送郡刺史以京東路宣撫處置使司言蕃偽賊
馬衝突泗州保全無虞故也 九年正月五日內降新
復河南州軍赦應兩淮荆襄川陝新舊宣撫使及三衛
管軍並特取旨優異等賞統兵官及將佐委逐軍開具
等第推恩 十年六月三日詔比以金賊侵犯東京已
策用兵征討應諸軍將領有能建立奇功者推賞至于

使相建節仍不^次任以職事將校士卒不以資級高下
但能立奇功並依前件推賞仍陞近上職任令吏部別
選一等官告旌別功賞自節度使至橫行以下並空名
臨軍給授不待保明申請不礙止法並與轉行所有將
來合得戰功恩數亦已於告前明白開說不須節次整
會仍比舊法更加優異仰將佐士卒等各思奮勵用命
殺敵以赴功名之會 十五日詔今後應將士臨軒戰
鬪捐軀之人並仰一一着實具奏有官人賻贈官及子
孫恩澤軍兵依舊支破請給存恤其家並比舊法增重
其重傷人合得支賜亦仰日下支給本色內有官人因
此不堪披帶與添差近便差遣軍兵不任^任後願放停及

改換軍額者各聽從便仍支破請給以終其身不得循襲前弊仍作名目使忠義之人有功不報以樞密院言將士戰陣捐軀只作逃亡不需恩典故也 九月十日

明堂赦應命官因戰陣或捕盜傷中不堪釐務之人仰經所在自陳驗寔保奏承務郎大使以上當議特加優恤選人小使臣與差克嶽廟一次 十一年五月十四日淮南西路宣撫使張浚言金賊屯兵宿亳本軍官兵迎冒暑雨奔波長途深入賊境其統制官王德等雖蒙推賞乞更賜優異推恩王德欲陞元待衛親軍馬軍都虞候馬立欲除防禦使田師中欲除龍神衛四廂都指揮使劉寶李橫欲各除正任觀察使張淵欲除正任團

練使唐汴欲與轉武功大夫王友欲與轉右武大夫詔
並依擬定 十二年三月十一日詔令戶部支銀絹一
萬匹兩付田師中充激賞 十六年九月二十七日詔
殿前司後軍統制官張淵與轉行一官第一等各與轉
行一官資第二等各與減三年磨勘以淵等將帶軍馬
前去福建措置盜賊今招捕盡靜故也 十九年五月
十七日詔殿前司統制官劉寶特與轉承宣使陞軍職
一等統領官劉順許用今次第一等功并檢舉昨淮西
立功一官特與轉遥郡團練使本軍立功將官使臣効
用軍兵義兵第一等各與轉一官資減一年磨勘第二
等各減四年磨勘第三等各減三年磨勘年限不同人

依五年法比折寶等勦殺福建盜賊妖孽殆盡故也

二十三年二月二十二日知贛州李耕言統率軍馬措置贛州叛兵將勦殺盡靜推賞統兵官九員江西副總管劉綱鄂州駐劄副統制張訓通池州駐劄統領官崔定殿前司統制知循州張寧殿前司統制陳敏統領官郭蔚呼延迪副將權江西安撫司統領周成右宣教郎統押池州土豪鄉兵鄧酢詔劉綱等九人各轉行兩官奇功各轉兩官資第一等各轉一官資減三年磨勘第二等各轉一官資減一年磨勘第三等各轉一官資內礙止法人並與轉行 二十五年正月二十三日鄂州駐劄都統制田師中言武岡軍徭賊楊再興父子累年

作過差統制官李道領兵前去撥置收捕並已盡靜乞
優與推恩統制官李道欲特與落階官除龍神衛四廂
都指揮使奇功一十三人李勝王宣欲特與轉行一官
使臣馬儀等九人軍兵張青等二人欲各與轉兩官資
第一等李思齊張進并使臣王青等効用李政等軍兵
王寶等欲各與轉一官資減三年磨勘第二等使臣宋
德等効用范政等軍兵樂進等欲各與轉一官資減二
年磨勘第三等使臣溫宏等効用趙辛等軍兵黃順等
欲各與轉一官資從之 二十六年十月九日宰執言
紹興四年給降空名官告綾紙補貼等付王玘折彥質
招收黃誠楊么等用自後並不曾申到書填過數目上

曰此非良法將士有功自合開具姓名聞奏候朝廷給
降付見空名官告只為大將照顧親戚而已激賞將士
合用財物何用告可令吏部取會書填過數目要之存
在并事故之數 三十一年七月二十二日詔令禮部
給降空名度牒五百道仍遣樞密院使臣一員管押前
去淮南浙西江東西路制置使司交轄應副犒設戰士
使用 八月二十二日兩浙西路馬步軍副總管李寶
言乞給降空名守闕進勇副尉守闕進義副尉進義副
尉下班祇應帖進義校尉進武校尉綾紙承信郎承節
郎告二道付寶開具立功因依書填給付從之令所屬
疾速出給付身樞密院差使臣一員管押前去李寶處

收管專充激賞使用候有勞効人即行書填給付仍不得將無功之人妄行一例書填二十五日權發遣漢州劉光時乞給降空頭守關進勇副尉守關進義副尉進義副尉下班祇應進義校尉承信郎付身各一道開具立功因依書填給付從之令所屬疾速出給付身充激賞使用候有勞効人即行書填給付仍不得將無功之人妄行一例書填樞密院差使臣一員管押前去十月九日宰執進呈犒賞事上曰朕曩于內帑儲備邊錢士大夫不喻朕意者至指為瓊林大盈之比顧朕雖積此亦何嘗妄費一錢向來撥一十萬緡付外府而近日遣發軍馬及諸處犒設皆于是乎出豈不正資今日

之用况方用兵國賊亦須得人經理士大夫恥言財利
多事之時艱于選仕亦今時之一病也宰臣陳康伯等
奏曰誠如聖喻 十六日御史中丞光湖北京西宣諭

使任澈言訪聞諸軍有前者累與金人見陣及于諸處
收獲盜盜節次立功係逐處各自保奏推賞所轉官資
致有重疊後來朝廷立限行下令于限內經本軍陳乞
申朝省改正而于限內陳乞者或拘礙一時申請格法
或省部阻難而立功之人身在軍旅無由到省部理會
至今未與改正并有合改正而類多行阻阻不能通曉法
意却失于陳乞者如此之類往往各有公據照驗經今
二十餘年未霑恩渥之人甚衆望令吏兵刑部疾速另

措置立條限格法行下諸軍分明曉示如向來重疊轉受官資未曾改正者候事定日具狀經本軍陳乞保明供申朝廷改正其今日以後立到新功恩賞即不相妨從之 十一月四日左軍統領官員琦特與轉十官仍賜金帶以劉琦言琦在揚州皂角林與金人見陣身陷重圍下馬死戰二十餘陣首立奇功故也 五日詔權統領東南第二將向琦與于階官上轉行一官遙郡上轉行兩官以淮南西路安撫司公事龔濤言琦在巢縣掩殺金賊併力血戰功也 十四日詔御前諸軍都統制李顯忠累獲勝捷令學士院降詔獎諭差中使一員前去賜金合茶藥一就傳宣撫問仍令李顯忠開具實

立功人等第保明聞奏 十七日詔御前遊奕軍統制
張振與轉翊衛大夫定江軍承宣使護聖軍統制王琪
與轉拱衛大夫宣州觀察使自餘立功將士令逐官開
具保明申行府以督視江淮荆襄軍馬葉義問言振等
采石渡有功故也 十二月二十六日詔御前遊奕軍
統制官張振時俊並特除正任承宣使以昨在采石親
與虜士見陣功也 三十二年正月二十一日詔四川
安撫制置使司統制官知文州向起轉三官特用一官
除正任觀察使吳玘特除正任刺史同統制梅彥高海
各轉兩官統領三員各轉兩官內劉海傷中又攻打秦
州立功共轉四官賈士元攻打秦州共轉三官杜寔兩

官以四川安撫制置使司言起等德順軍治平寨有功

故也

二月十二日

詔宿州亳州朱家村忠義人左軍

統領孟希特與補承信

郎副統領謝師類

與補承信郎

淮北忠義人蔣均李迪梁經謝江孫景五人各特與補

守關進義副尉元賁旗榜幹事人董文胡銓二人特與

補守關進勇副尉以樞密院給降旗榜結連到忠義人

一萬八千餘人與金人見陣累有功故也

十六日詔

侍衛馬軍司中軍統制趙樽除正任防禦使成臯正任

團練使焦元正任刺史以樞密院言樽等近於蔡州殺

退金賊立功故也

閏二月二十五日浙東西通泰海

州沿海制置使京東東路招討使江陰軍駐劄李實言

將帶一行官兵入海內前去密州膠西縣界港口殺死
女真渤海不計其數奇功承節郎李寔等一十二人第
一等承節郎魏尚等五百五十五人第二等守闕進義
副尉陳蕃等七百三人第三等効用黃招等二十六百
七十九人詔奇功各轉五官資第一等各特與轉四官
資內白身効用補下班祇應第二等各特與轉兩官資
白身効用補守闕進義副尉並于正職名上收使
三月四日京畿河北西路淮北壽亳州招討使李顯忠
言采石見陣立功之人建康府駐劄諸軍欲奇功各特
與轉四官資第一等各特與轉三官資第二等各特轉
兩官資第三等各特轉一官資詔並依于正職名上收

使 四月五日京畿河北西路淮北壽亳州招討使李
顯忠言昨來統制官戴皋等一軍在尉子橋首先賁衆
與賊血戰奇功重傷統制官武顯大夫張榮第一等統
制官舒州觀察使戴皋副統制官武略大夫王儀佐領
兵奇功武功大夫張辛等二百五十六人重傷一百六
人輕傷六十九人無傷八十一人第一等守關進義副
尉郭弼等二十八人重傷二百八十人輕傷四百七
百七十二人無傷一千三百二十八人第二等張武都
虞候路立等八百六十七人重傷十人輕傷二十七人
無傷八百三十人第三等並無傷承節郎大曹宣等
二百五十八名除陣亡人已降指揮推恩外詔奇功特

各與轉兩官資餘並特各與轉一官資重傷人特各與轉一官資並于正名目上收使礙止法人依條回授白身人依陝西効用法輕傷人令本路總領所犒設一次

十三日京西北路招討使吳拱言統制官李勝張進等賈勇官軍水陸進發過江掩擊收復光化軍立功官兵史俊等一十八人已書填空名告劄綾紙補轉官資給付候申照會外今李勝等乞推恩第一等副統制左武大夫兼閤門宣贊舍人李勝等六百四十五人第二等訓練官忠訓郎安清等二千二十四人第三等統領官武功大夫兼閤門宣贊舍人董巽等一千一百六十人詔第一等各與轉四官資第二等各特與轉三官資

第三等各特與轉兩官資並於正職名上收使礙止法人許將一官轉行餘依條回授白身人依陝西効用法補授十五日四川宣撫制置使司言將官彭清等會合軍馬打破方山原部押官彭清等三人各擬轉兩官資首先上城都虞候王德等一十一人各擬轉兩官資有傷中人更與轉一資一擁經戰王鼎等八百二十二入各擬轉一官資有傷人更轉一資從之二十二日都省言勘會諸軍功狀多係數處立功之人攢類不一或所稱立功去處各色異同前後難以照應却致差互重疊兼今來止是據憑本軍所稱銜官資擬立下項便行給降告命付身即不見聲說逐人依與不係真命有

無隔間借補書填去失不該收使官資委是無以稽考
今欲諸軍將合攢類功狀須管着實于功狀內逐一聲
說前項因依并逐人係幾處立功各合如何累賞今來
即無重叠詐冒保明並是詣實方得依已降指揮開具
供申從之 五月十八日三省樞密院機速房勘會吳
璘收復陝西州軍備見忠勞除諸軍已令總領所支激
犒外詔令學士院降詔獎諭仍賜金合茶藥令入內內
侍省差官前去傳宣撫問